

螺冠子詠物詩卷之二十五

嘉禾周履靖逸之甫著

金陵朱之蕃元介甫選

東海屠隆緯真甫校

昆蟲部

四言古 三首

蝙蝠

如鼠生翅似禽有齒世傳物化不聞育子弗究

於壤弗巢於枳何愁網羅豈畏弓矢飛飛屋隅
往來不止避之朝遊出之夜市

蝮

形同蟬狀勢勝蜘蛛無翅善跳多足能馳懷蛇
之毒蓄謀甚奇運機午夜傷人何知本草所載
癰腫可醫

蜉蝣

嗟彼蜉蝣安分何求不經晦朔焉知春秋朝生

夕殞無計延留俟命於天達道不憂

五言古

二首

蜂

卜築華堂側臨廊葺小房雖居蟲豸列亦分臣
與王風流稟天性終日喜尋芳懶逐鶯和燕採
花趁蝶忙日憩芳叢裏應是惜韶光探花幾忘
返興俠肆顛狂風情足可愛所惡懷毒腸兒童
莫擒取一刺不可當爾善謀生計三冬有蓄糧

蟻

力微能善鬪形小列君臣
慕羶群集饌知雨預
藏身穴居如守寨群聚似屯兵
滿地疑行陣拾粒急經營
曾將竹橋渡莫負宋郊情

五言律

六首

蟬

美爾耽高潔從風嘒嘒鳴
畏螳遮翠葉避雀帶
幽聲飲露心方愜沾霜意自驚
曉涼孤坐聽應

是入詩情

聞蟬

散步入幽叢蟬聲響碧空
淒涼吟落日哽咽向
清風斷續踈林下留連垂柳中
山齋頻聒耳慎勿亂絲桐

露蜂房

不向堂前葺仍懸籬落傍倒垂
如密繭斜掛若蓮房
粉蝶飛難並蜻蜓舞亦忙
兒童驚萬毒來

往競須防

花蚊二首

賦狀同蠅蚋何由雜粉痕饑食憐白晝飽食聚
黃昏利嘴須臾斃輕雷頃刻喧暗中疑薑毒啣
血更休論

黑質攢微粉飛鳴聚牖陰清宵聲不止白日跡
難尋飽去如懸麥饑來似刺針攤書燈下坐喧
雜惱人心

蟻陣

莫謂蟻無爭驅馳勢欲橫軒昂如烈將勇猛勝
奇兵結寨嚴威守分營苦戰行往來不肯息定
欲見輸贏

五言排律 一首

蝶

上下梅間戲高低桃畔揚繞叢能傳粉穿葉爲
偷香暖風翻杏梢晴日趁蜂忙興逐楊花舞狂

追燕子翔避烟拍柳陌遇雨宿花房慣入莊生
夢恒翻西子裳堪憐春去後不見過東墻

七言律 三首

黃蝶

閑逐狂蜂遊上苑碧桃花下舞遲遲風前忽作
春鶯態雨後俄驚秋葉枝豈是穿花隨去住還
疑入夢有先知渾如黃菊東籬綻謫去蘇公仔
細窺

蜂媒

到處和風瑞草生紛紛紅紫闔春晴枝頭宛轉
傳芳信花底從容達巧聲魏宅歡知稱舊族姚
家慨許結新盟雙雙粉蝶還相逐却與蜂媒似
有情

蝶使

繞紅入紫覓芳叢時逐遊蜂過苑中舞向嬌枝
迓惠日來尋艷萼趁和風猖狂柳陌情無極眷

戀花房興不窮莫道滕王圖作畫莊生栩栩每
相逢

五言絕 七首

蜻蛚

亭亭點水邊款款舞風前長依釣絲立蛛網任
高懸

蝶

兩兩穿花蝶飛飛粉翅黃往來如有約時向百

螳螂

幽然高遁古垂楊邂逅風蟬意氣昂豈料枝頭
黃雀舞寺閒回首勢彷徨

紅蜻蛚

兩翅渾如硃染葉雙睛却勝點猩紅亭亭聚立
庭柯上恍似緋桃放幾叢

蝴蝶

春夜碧桃花下宿梁園梅畔舞翩翩莊生栩栩

成清夢猶自飛來曲檻邊

蠅

營營擾擾襍群聲
刷翅摩頭智可矜
撲面穿裳人所惡
集盤附驥爾偏能

飛蛾

啞爾癡愚不可論
附炎觸焰爲何因
撲燈滅燭元多事
堪惜無辜殞此身

蚊二首

聲似輕雷起霄漢
飛如狂蝶舞花枝
往來終夜耽悻悻
嚙肉渾疑刺利錐

微軀利嘴似多求
暗裏傷人爲甚由
肥已只圖充口腹
如何不解殺身謀

虱

獨於貧士屢相親
何敢將身近貴人
欲濟一饑時啣血
不思危險頃亡身

螺冠子詠物詩卷之二十六

嘉禾周履靖逸之甫著

金陵朱之蕃元介甫選

東海屠隆 緯真甫

繡水李 培培之甫 校

雜著

詠草一百首

萬曆辛巳偶見友人案頭野菜譜乃嘉靖

間維楊王西樓所著土產草茵之類僅三十種然而未經西樓之編者余補之成編曰茹草業已行世今諸品草木復以雜言標題但爲野叟閒中戲詠而已不足稱云

荷花紫草

春風澹宕春雲鮮錦茵繡褥花滿阡香塵步步生金蓮野老亦知醉可眠誰能厭酒供賓筵供

賓筵雜腥俎菱角蓴絲豈堪數池塘柳絮飛輕毳浪蝶遊蜂相對舞

望塘乾

小樓簾箔湖之南綠紗窈窕朱闌干春來日日風和雨何處垂楊駐馬鞍歸時一飲斗十千笑呼六博開愁顏樓前目斷寒無烟塘上春泥乾未乾

破破衲

若有人兮山之阿披薜荔兮帶女蘿十年舊衲
委山翠針縷斷絕花糝糊吾生衣食有常分飽
後濯足眠平蕪豐茸紫鳳與白狐踉蹌人間非
吾徒

青蒿兒

百花春正香草色暎疎雨青蒿宛宛長吳中美
風俗相過羅酒漿看花復飲酒爲樂須青陽不
見蒿里下妻妻空斷腸

雀舌草

朝來雀啄花花落溜紅雨惜花女子捍雀兒嚙
舌亂噴秋江水陽春巧入剪裁工草色新茶鬪
雙美一園桃李隨東風懊恨當年惜花女女惜
花郎鬪茶紛紛不入先生耳醉倚枯藤看落霞

斜蒿

斜楊斜柳斜掩簾櫳斜塘上採採斜蒿斜雨斜
風歸來斜抱孤琴晚日霽斜紅

貓耳禿

山厨野鼠肥如拳，翻盆倒甕驚秋眠。牀頭宿醞
醉餘瀝濡毛，啣尾相垂涎。我家狸奴懶成癖，魚
羹飽後蹲青氈。有尾不肯掉，有耳耐昔昔。怒來
割向籬門外，雨滴泥融化。春碧酒酣耳熱歌，鳴
鳴鼠跡縱橫任狼藉。

窩螺薺

一窩青髮翥鳳盤，龍年來消爍爲愁濃。高陽社

裡顛毛偏稱秋容，翠冠老髮學山翁。草色花香
堪共

草鞋片

食無魚出無車，踏花去趁樵漁。蒼苔碾破雙趺
印，攆趁任山深水澗行迹。非迷一自山翁收拾
藥爐茶竈相依，草鞋片片勝金鳧。雲路珠履通
衢。

看麥娘

看麥娘桃李姿。囑爾看麥來。何遲饑鳥啄粒不
肯去。麥芒刺手無人知。飯脫粟飽鼓腹。妾家兒
郎頗刺促。但莫多收滿十斛。

牛塘利

牛塘利。滿溪谷。牛行阡陌中。宛轉不可逐。呼兒
鞭其背。涔啼映眉目。草深牛肥兒喜驩。一筐自
採溪邊綠。阿翁飽後牛歸來。抱兒潛向牛衣宿。

抱娘蒿

昔聞孝順行。今得抱娘蒿。葉如總翠根若纏。綃
其有瞻雲未散鬢。雪欲消春入彩衣之俎。秋傾
倚杖之瓢。請收孟宗淚。何必抱寒稍。

羊耳禿

羊耳禿。羊耳禿。塞草離離遠峰簇。羔兒酒滿胡
雲寒。高歌直上西山麓。牧羝老人意甚狂。醉後
騎羊似騎鹿。昔聞鞭石起群羝。鞭落稍驚耳爲
禿。至今毛毳上平蕪。昨夜春風逗新綠。一迴觴

兩度曲

老鶴筋

老鶴力已盡羽翰亦復稀雲霄失儔匹筋骨徒
離披仙禽羽化不知處常有翠色侵人衣鶴筋
可食穀可辟盤中香氣時馥馥一朝玉翅生兩
腋軒身直上蓬萊飛

芡頭

村女歌白芡宛轉隨風揚林花與水月悠悠空

斷腸拋梭鳴杵動終緯臨窓織出雙鴛鴦雙鴛
鴦相對浴不如採摘供食案酒勝千絲萬縷榮
愁勝

姜子孟青草

野田蔓草生茸茸含滋濯秀搖春風桑中有女
美顏色躊躇搔首來上宮仙龐遠吠不敢犯感
以麗句精神通縞衣綦服亦絕世何必玉珮鳴
玲瓏太無賴花開花落度年年草色青青似裙

帶

巖蕊頭

巖上山萬重巖下水千尺長松落寒翠日暮風
颯颯兔絲無根茯苓盡巖頭有蕊秋雲白棲巖
飲谷有顏色夜誦蕊珠養魂魄

檜樹頭

朱槿易開落浮榮亦若茲人情要適意貴不違
天時林鳥哺新鷺池魚跳清澌冰牀五尺簟眠

枕道家書檜苗耐咀嚼繞舌有芳滋

黃華兒

春之草今秋之花芬芳一色矜相誇霜蕤黯淡
照寒月露蕊的皪生平沙飢可食今飽可玩入
山何必尋胡麻陶家先生若見汝爲爾日日秉
犁把

蒿柴薺

山深茅屋朝無烟樵青束翠青山巔青山出魏巍

白雲滿忽逢山下蒿纖纖蒿纖纖煬可爨煮可
餐瓦鑪石鼎幽事足一斛香醪明月天

芽兒拳

芽兒拳發春前柔白宛可愛勾作毘羅綿山厨
野饌泉香酒甘玉女笋纖纖仙人掌堪玩咲看
撚指漫說擎天

灰條 即灰莧

農家蚤耕作野火燒枯蕘生意久未斷春來已

萋萋灰紫蕩欲散條空桑柘三酒自可飲何
必操豚蹄

馬欄頭

馬欄頭君莫行春山萋迷春水深玉羈金勒驕
欲裂狂嘶蹀躞難爲情誰家採桑女勒轡時盈
盈時盈盈不相親不如歸對山妻坐一壺淡酒
百轉鶯

絲蒼蒼

言物言
卷之三
絲蒼蒼千縷萬縷隨風飄一朝彤雲下蜜雪窓
前白髮同蕭蕭不如酌酒對君子愁腸百結如
冰消天孫有機杼霞錦明清宵促織露下冷天
高月白聲嚶嚶秋來何物堪牽縮惟有牀頭舊
酒瓢

鹿奈花

鹿苑之葱夏月芄芄葉苒苒以微綠花斑斑而
淺紅艷萱蒲之色相乏蘭蕙之芳叢不有野麝

啣採可無亂蝶遊從聊拾斯譜以采遺風

鳳仙梗

何來仙鳳葩葳蕤浥朝露之子日茹之紅顏真
可駐却咲朱門玉食家盤餐何解知此味

藩籬頭

秋將棗梨蓼一祭籬頭神籬間有佳草經冬猶
青青密雪下長阪北風寒射人冰厨出新饌賓
堂話語温明年雜花發依舊籬頭春

蒲公英

春山明春水平黏天芳草夾岬青蒲公英蒲公英
英春日易陰晴江鄉社鼓鳴黃蜂粉蝶時輕盈

枸杞頭

昨有道士揖余言厥惟靈卉可永年紫芝瑤草
不足貴丘中枸杞生芊芊摘以瑩玉無瑕之手
濯以懸流瀑布之泉但能細嚼辯深味何必勾
漏求神仙

野菜苳

楊生種苳南山前落而爲苳真可憐吾家不種
自然獲青藤紫荇相糾纏剥來顆顆競輕圓瑤
琅的歷落翠盤詩翁自有珠璣腹一唾須傾十
萬錢

板蕎蕎

板蕎蕎架危石誅豐草結幽宅清風飄飄塵事
息草堂穩坐午不醒板橋泥滑無行跡

鵝觀草

鵝觀草經雪未枯槁
雨如膏遍地統白毛
朱啄這可觀饒口垂涎意未了
山陰老媪誤右軍
不如常啖鵝觀草
山人臙腑冰玉清
惟有筆花墨霧時繚繞

菱港畝

秋雲黯淡湖水綠
菱葉蘋花映眉目
波心小艇輕往來
拋擲漁竿懶拘束
閒來煮蘋兼煮蓼
竹

葉香醪傾百斛
何不殺鳧烹鶴喂饒口
正欲秋光旖旎蕩吾腹

香椿頭

靈椿古壽木涉世千春秋
秀色映五岳密蔭籠三洲
我人息其下旦夕如蜉蝣
達哉蒙莊叟委化常無憂
香椿亦其族芳辛可供羞
日長飽無事熟讀逍遙遊

蟠琪青

茂先博學士而誤吞蟾蜍一吐九委頓咄哉徒
嗜竒小草有佳質入口甘如飴藿食固云澹豈
如擁劍危平原疏草木千載真相知恨無素心
人與之一解頤

燕子不來香

新蒲正短舊壘猶空繡箔珠簾面面風黏天芳
草碧玉茸茸趁呢喃聲杳曉摘芳叢昭陽殿裏
妬綠嬾紅無奈香消一盼中

風烹

風烹風烹抱樹生纍纍鳳卵枝頭橫疑酥滴乳
化水晶霜腸雪腑冰骨清吐爲語言妙入神羅
浮仙子時逢迎

蝦蟇衣

寒月照秋水白石高崔嵬怒蛙裂其衣瑛瑛如
莓苔虎鬚與龍爪齊入春風來至今杏林叟猶
是尋根荑

野苧薺

蜀有鷓鴣吳生苧薺維彼荒郊匪樹匪藝圓齊
金杏味傾玉荔搜奇探珍卓哉莫棄

江薺

彼江之濱水甘沙麗含滋吐潤乃生江薺芄芃
其葉莖而未花三山採秀五色生瓜烟波進艇
豈羨魚鰕

萋萋

江濱女兒晴踏歌雲融水暖春微和萋萋茸茸
青可摘若處偏少若處多姊採葉妹採心叮嚀
莫向水邊行濡裙濺襪阿毋嗔

雀兒綿毯

天風熙微雲漫漫楊花糝徑鋪白氈雀兒起舞
逗清影我家自有新綿毯新綿毯軟可坐錦茵
繡褥郎不歸浦屋飛花點簾幕

苦蔴薑

寒風撒撒月映窓吳娘夜績簾飛霜幽閨遠響
送刀尺農家食貧味何長春光融融三月半雜
花野草籬根香欲知吳娘績蔴苦清樽窈窕歌
清揚歌清揚苦蔴臺春風花草年年開

湖溪脚跡

遙山雨浥松島泥融苔留虎印蘚入狼蹤伊清
猿之躑躅騁趨捷而追風落花蹂艷細草披茸
誰誇熊掌浪說駝峰名雄牲俎蔬藜奇供

芟兒菜

夏木陰森暑簟妻清芳梅時御芟菜薦新葉分
江翠鷗隊鳧群香浮羨腹詩肴酒瓊竹萌蒲藕
足配清芬

烏英花

烏英烏英生彼水中碧漪闔色遠香逗風野老
濯足鷦鳥相逢拈條弄葢提携滿籠夜歸窩舍
笑言雍雍

雷聲菌

驚雷動群蟄草木亦得長茂草氣鬱蒸土菌大
如掌昔聞商山翁紫芝入清賞余亦山中人高
歌徹雲響菌味美可飧古道敦宿想更搜雷破
木刻作鳩形杖

孤孤兒

江色望如銀水涯雲淨渚花澗草薦秋馨粉光
盞面浮清英羸顏酒病未可却香醴一啜解宿

醒先生醒後詩腸癢爲問孤孤何處生

黃練頭

二月鳴春鳩嫩生黃練頭入口何嫌澁迴涎甘
且柔山僧欣作茗吟客愛傾甌時值河豚美纖
芽早可收

倒灌蒿

昔有漢陰叟機事息已久春江抱甕汲運鎌露
雙肘圍中蒿生五尺強根苗枝葉紛如葦天公

雨露豈有私蒿名倒灌良非偶良非偶意有然
還元返本玄家言但知倒灌醍醐味浣髓煎腸
骨可仙

水馬齒

天馬來渥洼嚼嚙黃金勒臨流惜錦乾紋艱落
清碧不堪羈絡游聊備盤飧職山人齒豁輕雞
肋藉草眠花間中消息

天藕兒

碧藕兒生天上雲開忽見如船樣青蓮燁燁墮
地來冰條玉筋蟠泥壤野人束腹搜根芟金莖
乍入仙人掌誰家少婦採蓮歸歌聲半雜漁人
漿

野蘿菘

開山種黃獨黃獨凍不生田中野蘿菘味澹意
頗真瓦鑄石鼎幽事足土膏雨潤生芳馨道人
肌骨已如許閒來但註黃庭經

掃箒蒿

掃箒蒿黠深綠花葉蕭疎幹常禿不生空谷浦
林曲桐泉漫煮充朝腹紅塵拂盡清思多落花
留映山人目

野落籬

挿竹編疎籬幽花照人早天工亦有意常生護
籬草落英點蒼翠冉冉慰枯槁柔條擢新穎芳
潔顛頗藻錫壘洽佳興爲爾顏色好

眼子菜

眼子菜春前綠眼底覩人碌碌朝相持暮相逐
短景頽簷光促舜妃牛女千行淚一時灑向清
湘竹瀟湘竹年年看人江南江北

浮薔

清流宛轉縠紋開纖鱗細鬣波間來翠萍紫荇
相牽回中有浮薔青如苔薑薑橘汁香可拌花
間小飲勸相催浮薔浮薔莫嫌猜與爾浮世常

徘徊

採菱窠

日暮清江寒秋風弄澄碧越溪女兒出採菱歌
聲杳蒨江雲白採菱莫採刺採刺傷人手採菱
須採窠採窠脆如藕持將並蒂與郎看白髮紅
顏共相守

牛尾温

牧兒滌牛腹照影澄波間牛尾脆可斷毛毳輕

珊珊浪花濯醒穢水色秀可飡嗟余牛背落豈
學馬蹄穿芳草南陂暖閒來抱犢眠

水菜

蘋蘩蒹藻可羞王公水菜芳潔寔與同蹤秋巖
雲白春浦花紅山中苜蓿菽水之風

狗腳跡

秋風來何時昨夜霜華早猛犬獠嚙人霜上行
蹤杳霜融跡未消籠葱化爲草非關狡兔盡烹

爾慰枯槁

烏藍檐

春入郊原雨疎烟淡萬斛芳菲收來一擔潑翠
鋪紅開窓清玩更喜煨煎撥爐崇炭年來撇負
自覺肩輕眠酣起晏

蒲兒根

青青者蒲於彼中流清霜改節素月驚秋芳根
可劖佐我盤饌既醅既飽蒲褥悠悠安我食我

爾德莫酬

雀翡翠

溪邊具卉呼爲雀翡翠簇金枝大牢之味益腎
清心中養胃山厨漫烹羔羊不貴

剪刀股

剪刀股剪却薜荔成野服不向豪家剪綺羅自
甘澹泊棲茅屋綺羅不耐秋風吹雲度長空城
何遠并州之刀不爾如愛爾常傍群芳綠

野苜蓿

易云苜蓿生彼道周彼其之子挾我以遊清陰
夏木山路鞦韆野苜可掇其樂油油杯羹麥飯
一飽奚求

油灼灼

遠渚見雲橫灼灼生秋草
弄葉牽條水上相呼
早繞筋芳腴樽空罌倒
拍拍清風醉不醒
一江蘋蓼

地踏菜

俗名皮滑蹋

閉門十日山中雨
地上濕雲飛不起
放歌郊外
有蠟屐泥滑苔花印
雙齒歸來掇拾烏雲堆
茵
蠢簇入冰盤
裏隣家老翁踏地來
沙青竹翠鷗
鳧喜芳鮮及此雨
紛紛莫待紅輪照
窓紙

馬齒苋

紅韉絡馬鬣
白馬驕不行
鞭稍落馬齒
忽度春風津
春風離離吹
血肉遙青遠
翠江頭生江頭

有人題竹筍盈盈馬首隨黃雲隨黃雲胡不歸
羊腸馬頰今崔嵬

桐蒿

桐花鳳皇食何以雜蓬蒿金蘭出紫棘玉蕙叢
黃茅世間名與實豈必空嘈嘈碧梧有清蔭悵
望秋天高

猪殃殃

霍食癯肉食鄙肥牛大豕生滓穢此草甘辛若

杜蘅清滋不入凡腸腑猪殃殃猪自殃我不
食猪爾何傷

枨芽

山之巍巍有枨蘩蘩薄言採掇調氣和脾彼君
子兮嘉賓式讌餒之

菟絲根

上有菟絲下有茯苓茯苓駐老千秋春兔絲補
益亦不輕青松龍蟠白石道松花匝地如飛雲

鷓冠鳩杖彼誰子明眸綠髮仙中人但食兔絲
子莫損兔絲根上池有水供洗藥琪花瑤草時
時生

牡丹花

綽約兮華露之姿繁華兮暮春之日沉香亭北
君王解顏金谷園中佳人並飾一枝穠艷發奇
香萬卉叢中矜國色當時號作花王邇日兼供
藥食

玉蘭花

玉蘭花名可誇藍田種出尤晚涯枝枝擎出仙
人掌朶朶開成白玉華春風回檻飄香雪夜月
水盤凝玉液厨人和糝作餅供香甘不與崖蜜
同東哲當年曾作賦豈知此品擅江東

杜鵑花

杜鵑花亦名山躑躅熒煌絳萼舒爛熳胭脂簇
蜀帝當年怨未消淚染枝頭盡成血不特繁華

三月時鶴林重九開絕竒高枝焔焔燃如火但
使紅光照酒卮

蘭英

懿此晚蘭生於深谷不以無人芳芬自蓄惟德
斯馨君子之泚王者之香能不我知薄言採掇
永以佩攜

柳葉

金蛹初綻玉蛾未飛鶯窺青眼燕蹴黃毯莫教

陌上趨芳菲且配鹽梅雅味

蕉根

有庭之蕉其葉翹翹冬雪挑根食我簞瓢不知
我者謂我士也驕

野菜

瑛爛兩蝴蝶春來常繞籬籬根有野菜故故向
人飛柔根嫩葉不堪洗玉盤纖手呈金盃金盃
侑新酒嬌兒解人意滿壁簪花柳但令野菜足

吾生日日花間開咲口

碎米齋

螺冠鶴髮薜荔衣山翁絕粒秋常饑天公憐翁
詩思苦山下忽生碎米齋秦人桃花遠難訪安
期火棗今何如不如一盞脫粟飯讀書常借茅
簷暉

玫瑰花

采采玫瑰澤中之秀其葉歲蕤其葩繁茂嗅若

蘭芬色如華綬和以飴飴漬以飴餽君子餌之
可以適口

蓮房

有蔭其芳紫葍綠房光生珠寶味溢瓊漿維茲
蓮饌偏稱荷裳

茉莉

隰有冰蕤來自西國閩廣移栽清芬莫敵引蔓
今柔枝與蘭蕙兮彷彿含英晚露吐頰朝陽佳

人簪髻，騷客紉囊。五月炎曦渴思彌彌。山齋茗
椀，采香漬之。試薰茶籠風味，誰知。

蔗蔔 卽梔子花

曾聞薝蔔花，出自天竺國。香心帶露華，素質含
霜色。五月開時摘嫩英，山家何數芋魁羹。主人
意出膏粱上，麥飯同餐味更清。

摩羅

卽百合根

百子池頭百合花，黃昏開處細看餘。卽歡宜

合妾恨向秋加，花既凋零根可充。厨不學藕絲
輕斷續，還將烹飪勝龍鬚。

梧桐子

颯颯金風鳳鳴梧，桐葉纍纍其子玉粒珠。叢採之
盛之，可薦王公。顧人之懷，怒如可充。

鴈腸子

鴈腸子雲中來，水寒沙白芙蓉開。稻梁得食我
無意，雲漢迢迢日幾回。化爲野草雜山翠，林花

詩物記 卷之三
荳葉行春杯溪頭老鶴自來往機忘何必相驚猜

燈蛾兒

燈蛾兒爾何痴飛飛燈畔不自知炎輪爍骨悔
已遲何不戢翅藏深埤青青化作陵上茨篝燈
且檢十年詩炙手炎門真可訾

甘菊

采采黃花生彼甘谷露葉夏烹寒英秋服輔體

延年澄心朗目攝生之家無如此菊

芙蓉

湛湛秋江泠泠碧水秀出芙蓉顏色如女昨夜
西風急呼童滿筐拾不作尋常野菜羨偏宜和
腐烹朝食

川芎

川云芎藭生於隴中根芴礧礧其葉龍茸味以
辛散性以溫融助清陽之正氣祛頭目之邪風

醫家重用烹茶亦通

防風芽

卷彼防春之芽氣味辛甘可誇若使山家品用
賽教石鼎烹茶

百倍 即牛膝

白頭翁兩脚赤履綦頻蒼苔濕不向人間煮鹿
茸却從宇內食牛膝

顛勒芽 即天門冬

采采門冬菁菁者容目不復見食我山農疏淪
肺氣慰我心忡

蒼耳葉

芝草無根醴泉無源蒼山鬱鬱蒼耳蕃蕃軒岐
品登本草方士服餌延年那可仙家調六膳何
須禪悅愛精養寄言高卧林泉客何用山中煮
白石

澤芬 即白芷

澧有蘭汀有芷茁初春白似脂摘來滋味多甘
美于以盛之助曉冷頭目風邪亦能止芳叢曉
摘露猶滋清水生肥是玉池

紫棘芽

即五茄皮

紫棘芽紫棘芽含苞春早浥露華名叅藥譜味
奪新茶鴻漸玄心久相如渴思賒山童采取日
盈筐颯颯松風響夜窓若使盧仝知此味不教
七碗便相忘

牛旁根

山有靈藥牛旁之子粒粒可飧疑神堅髓養養
繼之君子樂只

朱藤花

百花辭條春草綠滿眼朱藤曳喬木牽枝引蔓
百尺強托身未謂凌雲足山家芻豢吾何有摘
花旋取醯鹽澣有隣過我新濁醪盤飧何必薦
春韭

甘露子 一名玉環菜

曾同漢主慕長生仙掌承來沆瀣清想是金莖
餘妙液千年化作露華精其色如脂其粲若粲
山中隱者薄言茹之願願四皓何勞採芝○燦
燦玉環瑩瑩如瑜江妃解珮神女遺珠清霜白
露薄言採之野夫爲饌可以忘饑

詩餘 一百二十六闕

詠春 調江南春二闕

春林夜雨朝送笋桃李芳菲開徑靜 一人寂寂
對疎櫺簾外交飛雙燕影峭寒風雨羅衣冷幾
樹梨花開近井社酒歸來倒角巾 欹斜醉步動
輕塵 蝶飛忙花信急杜鵑聲裏春衫濕韶光
撚指嗟何及倚樓芳草連天碧幾處笙歌滿城
邑垂楊繫馬風前立請看綠水汎青萍堪咲隨
波空自營

村前萬樹桃花盛綠柳垂絲間紅杏呼朋拉友

翫芳春歷遍韶華三月景雕鞍金勒相馳騁青
樓翠卷追佳興吳姬姝娜咲歡迎握手殷勤話
更親 入蘭房檀麝集銀燈翠館延嘉客冰盤
玉饌陳芳席金尊漱澗浮琥珀玉指纖纖調錦
瑟牙牀繡帳娛朝夕金鷄三唱促登程惆悵相
看不盡情

九日舉觴

調沁園春

正值重陽節日龍山須携一觴賴有舊奚囊高

懷休澁博歡劇飲趁此餘涼傾鬱金香且吞幾
盞莫待青絲變雪霜蒼筠裡結一箇茅廬村靜
溪長 休教錯過韶光咲擾擾浮塵爲甚忙想
淵明幽致令吾空憶無人落帽虛度重陽浮世
如雲人生過隙傀儡紛紜夢一場堪嗟嘆謾登
高舒嘯興飲清狂

元夕夜宴

調一剪梅

雪消郊甸四山晴樓迥江城綵結江城笙歌簇

擁開深更市上人聲笛裏新聲
小童時進白磁罌
昨病身醒復助餘醒
玉山頽倚在西楹對
景忘情疎散忘情

春夢

調花心動

芳園逢春桃花放嫩白嬌紅堪折
蝶亂蜂狂燕嬾營
嬌正是尋芳時節
堤柳風搖枝榦軟可意
人路途迢遞追歡遠不堪排遣
愁腸頓結
心中有恨難說
落得暗傷心空自悲切
靜掩房櫳

漫拋孤枕誰把羅衾
陳談忽聽樓頭更漏殘
小几上燈光半滅
倚雕檻徘徊獨對明月

席中贈妓

調沁園春

一片芳春羅袖雲鬟輕把步移出東郊
翫賞莫教興少筵前鳥語白晝遲遲
謾捧金樽溫存細語最美幽情
分外奇真難遇約來宵歡樂會合
佳期
嫦娥桂客堪宜擬浮白高歌豈肯辭似
宓如臨浦絕勝嬌媚合歡綺席共倒清卮檀板

詞物言 卷之三
輕敲新聲低唱正是少年行樂時繾綣一任醒
還醉莫與人知

詠漁 調滿庭芳

蘭橈搖動波紋攪亂曉行雨露零零那辭風冷
泛水得心清老我生涯一艇朝過蓼岬暮蘆汀
將綸釣旋拋水底揉碎半天星 臨風歌款乃
遨遊四海喜不勞形相親着蕪葭綠藻青萍日
伴野鷗汀鷺江頭笛我自來聽魚堪羨呼棹共

飲長醉不須醒

詠酒 調鷓鴣天

吳姬嫋娜把金鍾醺醖光浮琥珀紅玉貌清輝
如寶月石榴裙底動輕風 春歸後恨難逢相
思應許爾相同朝來試拂菱花照不比當年花

柳中

詠漁 調鷓鴣天

釣罷收綸看鳥飛江湖寄跡傲輕肥得魚沽酒

無窮樂漫把幽情寄小詩
辭寵辱棄羅衣
今夜前川醉不歸
月明潮落風初靜
直向蓬窓睡
片時

元旦醉題

調臨江仙

桂醕盈杯欣蟻泛詩題
令節應栽梅花幾
榦映
蒼苔屠蘇纔拗處
春色入門來
樹上黃鶯聲
已滑對花堪飲
千杯漫追佳節
漫安排興高杯
不歇尊罄又當開

雨夜

調臨江仙

疎雨滴蕉聲
獨對銀燈俗慮
妻青春愁莫遣
思縱橫尋巧句
詩成且未評
當年豪俠成
春夢
霜華上鬢
心驚琴調
流水散孤情
人生渾逆旅
君醉我還醒

飲熟水話別

調臨江仙二闕

新汲溪流烹石鼎
須知蟹眼傾甌
相看瑩潔似
冰清會須陽羨茗
頻啜莫教停
不必問玉川

煎法何須去學食茶應知一味可人情漫吞五
六碗兩腋御風輕

共飲花間酣欲去且將茗碗相携回車分付列
旌旗忽聽銅壺滴玉兔影旋低 別情繾綣心
難捨此行步履應遲俄驚馬分手又東西萬花叢
裡客明日盡皆非

送春

調蝶戀花

怕見春歸愁若縷無計可留春住頃爾去渾似

輕風吹敗絮不識春光去何處 懶聽林端啼
杜宇總不關心亦惱人情意我欲惜花花無語
忽聽輕敲窗外雨

歌妓

調南鄉子

檀板却人愁此日携尊上小樓風引花香羅袂
透輕柔斟酒清歌興有由 新月上樓頭音調
悠揚碧水流一曲衷腸開咲口害羞客散更闌
隔九秋

罷釣 調南鄉子

返棹下江流歸去東郊覓故丘風波雨夕經多
少今休且縛茅茨傍澗頭棄却此漁舟捲起
絲綸不繫鉤羨魚之念今已矣遠却汀鳧與海

鷗

暮春

調武陵春

落紅飛白春歸盡殘花懶上頭如何美景頓然
休愁懷逐水流爲惜芳菲猶未盡買却一扁

舟但恐流水蕩輕舟忽然又起新愁

春暮

詞怨王孫二闕

深閨靜悄多愁多惱幾種離懷他人怎曉堪惜
那小桃紅不禁風遙望王郎在何處無信去春
光竟辜負無限愁勞交際望斷雲飛不見君
芳春又晚支願靜院幽鳥聲前離人信斷這般
情思難傳意纏綿相思百種時牽惹心難捨一
春已過也長苦孤幃夜靜斗柄橫斜燈墜花

暮春

調如夢令

忽聽空庭雨驟夢回猶帶宿酒急起向疎窓架
上茶蘼仍舊憐否憐否堪惜海棠花瘦

九日

調醉花陰

松窓靜坐當清晝煮茶燃獸炭檀麝炷焚爐漫
展古書頃爾玄機透 俄驚又是重陽候妻風
拂羅袖把酒對黃花忽憶故交久別令人瘦

歌妓

調意難忘

簪翠衣黃諷將秦瑟鼓敬客擎觴花鈿堆綠鬢
舞袖散奇香陳綺席納新涼杯酒泛滄浪意甚
勤低低細語浹相將 嬌容世上無雙臉紅
雲鬢躡引動才郎嬌聲歌白雪淡掃試新粧息
愛繫幾迴腸明日會無妨莫把良辰耽悞辜負
時光

幽居

調定風波

瀟灑幽然溪上居白蘋紅蓼日相於明月吐山

移桂棹休 向閒拋香餌釣江魚 日逐閒鷗爲
侶伴桃岬捲綸歸去枕殘書老妻慢開宜城酒
聚首滿斟低唱樂空虛

春日睡起

調酒泉子

明月照窓鷄唱一聲天未曉露華濃星漸小剔
銀缸 起來倒却綠醅缸采與且須成爛醉掃
新愁無些子世無雙

詠月

調念奴嬌

金井梧桐到晚來掛却半鉤新月清光入牖明
如鏡恍疑人在瑤闕萬籟無聲長空雲淨興欲
將蟾挈溶溶波浪碧色遙天似接 傳道桂窟
嫦娥煨煉長生藥潔如霜雪我欲乘槎爭柰凡
塵却與銀河隔絕獨坐空庭條然靜翫幾陣風
吹髮此種幽情何須對世人說

詠雪

調清平樂

空中飄颻好似飛絮悠揚休教撲着窓櫺響萬

種愁懷心上 酒酣暫撥愁開誰知酒醒愁來
若是酒能消愁還應典却金釵

嘲杏 調滿庭芳

江梅蓓蕾何愁冰雪自有一種丰神群葩未萌
我獨占先春世上幾人賞識何遵和靖知音東
閣上孤山嶺畔相與結佳盟堪咲東園 杏未
能舒放却至春深惟將艷麗爛熳媚長林但能
臨風眩目暫時見取杏壇賓誰似我開花結菓

鼎彝可和羨

詠梅 調滿庭芳

韶華時候和風習習粧成幾點胭脂群英雖吐
不及我芬菲雨浥新枝恍若楊妃露玉肌真堪
翫王孫公子歡賞已忘歸江梅先自開朦朧烟
月樹瘦枝稀霜天雪下憐爾受孤栖不趁融和
暖氣偏教密霰冽風欺何似我從容窈窕獨占
蚤春時

七夕 調鵲橋仙

暑退涼生蟬鳴桂吐芳沼荷花初謝喫巧穿針
上玉樓白露降銀河傾瀉 鵲橋橫駕織女歡
迎世傳一番奇話盡道此夕是佳期惟恐今晨
難至夜

紅白桃花 調如夢令

一樣江梅非是一樣海棠非是淺白間深紅另
有芳春姿味須記須記渾似劉郎半醉

詠漁 調漁歌子二十四闕

沙汀幾點海鷗飛浪暖應知赤鯉肥蓮葉艇菱
荷衣日沉水底未言歸

淺渚盈盈窺鷺鷥烟波三月落花時溪路杳恐
歸遲漫向前灘捲釣絲

誰識漁家樂有餘春風搖曳是浮居心無累念
空虛志在江湖弗計魚

一竿一艇樂餘年誰似漁家日日閒親沙鳥樂

溪山萬頃澄波任往還

寄跡烟波已有年得魚收網伴鷗眠
艤後渚向前山却與樵人相往還

紉菱堪爲漁父袍綸竿何肯換絲條
雖涉險不辭勞豈畏長江百尺濤

岬柳舒金景漸溫一番夜雨沒磯痕
新漲碧可垂綸漫移孤艇傍雲根

桃花滾滾逐春流堪坐磯頭下釣鈎
依綠柳伴

閒鷗得魚換酒更何求

柳陰深處一舟移正值春江水漲時
風已息釣堪垂漁郎盡日理綸絲

垂楊裊裊颺金絲暫繫扁舟此更宜
風淡蕩水漣漪爲愛魚鰕歸去遲

輕舟來去綠溪邊嫁得漁郎已有年
無宅舍少桑田謀生活計在漁船

浪暖風晴撒網宜柘桑葉茂麥秋時
沽村酒和

漁詞擎盃對月且棲遲

昨宵梅雨漲洪波應是長川鱖鯉多
頂綠笠衣青箬趁雨前灘釣若何

誰識鴛鴦湖畔翁無帆孤艇任西東
翫明月嘯清風得魚換酒興何窮

高掛明蟾似鏡圓遙看碧水浸長天
牧豕網繫漁船無榮無辱即神仙

晚霞散彩滿川明玉鑑團團水底生
漁艇窄釣

絲輕浪靜風恬夢不驚

漁艇優游興更餘不彈短鋏不攻書
時泛水日逃虛所志綸竿豈羨魚

潮聲月色總成虛且向江頭釣鯉魚
流水急白雲舒拋鉤得鯉樂徐徐

開遍黃花是小春蛟潛海底已舒伸
寒雪下點梅勻街頭不見賣魚人

高歌一曲日將斜罷釣歸來問酒家
依淺渚泊

晴沙醅酊秋江採蓼花

扁舟烟水隱漁簑蘋蓼灘頭思轉多朝醉酒夜
高歌笑他名利苦奔波

長絲短竹下江流風起青蘋散白鷗無姓氏任
遊漢家何處覓羊裘

碧玉峰前雨氣收望湖亭下月光浮移古渡釣
清流不怕魚兒不上鉤

片片瓊瑤蓬底飄人在扁舟魚在濠涇繫纜免

持篙欲覓潛鱗水底撈

詠樵

調漁歌子二十四闕

曉起持柯涉山路芒鞋踏遍山雲破斫松杉畏
天暮出林驚醒麋鹿卧

春到長林草木肥好將利斧手中揮聽猿叫看
鳥飛負擔歸來月滿衣

青山如画碧璘璘木石爲居鹿豕親村有酒擔
有薪時與漁翁作主賓

石徑崎嶇不易行
峰前一片野雲橫
山鳥啼澗泉鳴
息肩松下坐來清

遠岫樵薪帶霧行
耳邊惟聽鳥嚶嚶
山妻候稚子
迎薄暮歸來月滿肩

忙移草屨踏雲烟
萬壑千巖任我穿
松鬱鬱草芊芊
長鏡在手擔橫肩

日日樵山間似忙
誰知塵世總相忘
漁作伴醉爲鄉
擊缶歡呼進幾觴

山頭雲暗亂鳴鳩
雨浥層巒所未休
行步滑往來愁
怪底淋漓濕未收

幽巖僻徑石嶙峋
惟見猿猴不見人
穿綠樹隔紅塵
手披雲霧伐荆榛

火雲片片布長空
脫却樵巾憩古松
嵐氣紫夕陽紅
忽聞山寺度疎鐘

一望前山路轉遙
自將短斧斫桑條
閒吟傲漫歌謠
到處相逢是采樵

溪雲片片嶺頭橫
驟雨淋漓盡日傾
敲竹響瀟瀟
溪鳴樵子披篋戴笠行

渡嶺登山不計程
臨風伐木響丁丁
孤猿遁幽
鳥驚一聲長嘯帶雲行

烟開疊嶂四山明
縹緲孤峰與漢平
紅日落白
雲輕負薪躑躅入江城

野雲滿路失行踪
不惜崎嶇涉遠峰
攀峻嶺伐
青松負擔還家已暮鐘

侵曉持柯入翠微
行歌鳥道俗情違
山疊疊樹
依依一路穿雲月下歸

山北山南多樹枝
侵晨持斧涉危岐
追白鹿聽
黃鸝不識人間是與非

荷斧飄然涉澗阿
遙登峻嶺更攀蘿
逢舊友唱
新歌咲指前村酒市過

青山疊疊與雲高
閒斫松柴豈憚勞
麋鹿走老
猿號傍晚歸來帶月挑

行過前峰通紫霄不知何處可堪樵山突兀景
蕭條耳邊惟聽鳥聲嬌

日日鷄鳴出竹扉殘星幾點尚輝輝趁早去及
時歸西村換酒醉斜暉

崔嵬丹嶂峙晴空漠漠孤雲洞口封多鳥跡少
人踪漫將利斧斫蒼松

綠筠翠栢滿高崗嘒嘒風蟬噪夕陽雲靄靄路
茫茫咲向漁郎問醉鄉

盡日樵薪一事無不從人世間榮枯攀翠栢斫
蒼梧常向前村問酒醅

詠畊

調漁歌子二十四闕

世間最樂是村居翠竹爲扉槿作籬前桑圃後
魚池猶勝朱門回棟竒

碧桃紅杏滿園中綠竹交加繞屋東黃鸝煮白
稻春瓦盆盛酒古人風

處處鄉村茅屋低前臨流水後環溪閒自樂醉

詩外言
卷之三
堪題春風吹綠菜盈畦

柴門雖窄足樓遲
桑柘春來綠滿枝
缸釀酒手
擎卮不向長安市上馳

一生活計在桑田
夜織朝耕年復年
勤農事莫
閒眠兒孫休把利名牽

夜來新雨遍江湄
荷笠披蓑陌上馳
兒放水第
扶犁一年之計在春時

陌上柔桑趁雨栽
時時荷鍤去蒿萊
雲繞樹路

紆迴日下西疇猶未回

小姑大嫂守蠶房
鎮日携筐去採桑
無晝夜喂
蠶忙上山成繭感穹蒼

惟有田家四月忙
男兒插蒔女蠶桑
烟漠漠水
茫茫犁鋤辛苦遍村庄

炎雲片片布中央
溽暑煩蒸不可當
日似火汗
如漿惟有畊夫隴上忙

徜徉誰似一村農
赤足開襟兩鬢蓬
飲白酒煮

青菘應是田家興不窮

自向前村荷短鋤
咲他走馬駕高車
藜藿飽布袍
餘長日偷閒學釣魚

稚子池中撈白藕
山妻厨下宰黃鷄
同稚子共山妻
歡娛痛飲月沉西

漫向村西步落暉
牧童吹笛跨牛歸
扶竹杖入荆扉
且把香醪醉月輝

家家籬落有瓜蒲
菱角鷄頭那件無
蔬一箸酒

盈壺人間快樂是日夫

綠橘黃橙傍短墻
紅菱白藕滿池塘
擺矮卓住低房
世間榮辱總相忘

娟娟明月照柴扉
簷簷有素風吹苧衣
心少累腹無饑時
看閒雲天外飛

自是江村秋色深
森森喬木翳清陰
畊隴罷倚鋤吟
田叟悠然太古心

續紛秔秫滿場陳
芋栗全收不當貧
村酒熟叙

比隣歲歲西成樂事真

前栽楊柳後栽桑鵝鴨成群日滿塘無驢馬有
牛羊秋成秔稻喜盈倉

茅屋低低勝畫堂百花那及稻花香霜降後喜
登塲骨肉歡呼咲舉觴

擊鼓鳴鑼去賽神相邀西舍與東隣鷄黍具酒
肴陳欣欣共飲最殷勤

晴冬無處不紛忙刈稻家家早上塲修屋舍葺

垣墻急與公家辦稅糧

草舍茅簷心自寬桑園幾畝竹千竿禾黍熟早
輸官兒孫滿眼喜承歡

詠收

調漁歌子二十四闋

漫驅黃犢過前村不向長安市上奔名利客不
須論夜來飽飯卧柴門

牽犁荷笠出柴荆暮向東郊緩步行江草碧野
花榮坦腹蒿萊卧月明

言物詩 卷之三
侵曉披蓑出竹扉
咲牽耕犢趁朝暉
雲淡淡草萋萋
一聲牧笛自忘機

迎風牧子涉高岡
山草山花滿路香
溪水綠野雲黃
咲指漁郎渡碧塘

草綠郊原春雨歇
花殘村徑夕陽明
聽牧笛韻偏清
吹散榮華是此聲

一番風雨遍汀洲
芳草萋萋滿故丘
驅北隴向西疇
傍晚歸來信口謳

東風無力淡烟霏
繫犢垂楊看鳥飛
飽午飯枕簑衣
睡覺俄驚已落暉

牧豎村前短笛悠
數聲清韻度林丘
無一事有何愁
猶勝王孫策騎遊

儂家居住苧村西
鎮日看犍喂藿藜
南隴牧北郊犁
幾與詩人入品題

長林藹藹水迢迢
春暖風暄草木嬌
重有牧叟還樵喜
聽枝上鳥聲調

飽飯披蓑去牧牛
牛郎無事更何憂
勤稼穡歷田疇
晚歸歡咲酒盈甌

曉雨霏霏春草齊
江村二月亂鶯啼
牽水犢過前溪
到處桑間唱午鷄

牧子閑將牛背騎
徜徉畎畝已忘歸
拋箸笠脫蓑衣
咲向崇巖採薜薇

驅犁躑躅入長林
閒唱新腔坐柳陰
聽鳥語學調音
咲折江花滿髻簪

時雨連綿農事宜
放犢西隴更何疑
青笠戴綠蓑披
萋萋芳草暮春時

日上東林影滿窓
起來驅犢過溪砭
眠綠草濯清江
笛韻悠然美短腔

曦輪如火復如車
流汗成漿祗自嗟
愁牧子苦田家
無柰辛勤到日斜

三尺兒童慣牧牛
一鞭直過碧溪流
朝北隴暮南丘
喜無煩惱感眉頭

手執麻鞭信步行東臯南畝欲勤畊農事畢得
身輕千村萬落慶西成

溝草纏繩槿樹鞭橫騎牛背穩如船吹短笛下
長川濯足清流思悄然

驅犢歸來草徑斜竹林深處是吾家天將晚路
轉賒微風細雨不須嗟

秋風跨犢過危橋歸去西林路轉遙思丙吉念
時苗短笛橫吹月漸高

牧犢前村歸去遲殘陽倏已落山時穿野岬過
踈籬無慮無憂田舍兒

朔雪漫空晝失明凍雲漠漠路岐平人絕跡鳥
無聲直待天晴驅犢行

詞餘 一十三套

芳甸尋春

正宮端正好 青靄靄柳含烟月溶溶花帶雨

滿江臯芳徑縈紆聽香叢日暖黃鸝語看紫燕

穿簾去

滾繡毬

羨狂蜂抱萼回見闌曦開庭除粉蝶

兒紛紛對舞杜宇兒兩兩相呼青山入畫圖春

色消皇都逞芳菲柳堤花塢鬪鮮妍青荇綠蕪

一霎時晚花檻外飛紅雨稚筍林間挺碧萼此

樂誰如

倘秀才

俺只見絮隨風顛狂無主香塵滾花

飛別墅見曲江深處柳穿魚解雕鞍堪樂與把

金龜換綠醕那眼底都成趣

脫布衫雨纔收山色模糊日初斜樹影扶疎

白蘋渡漁舟無數錦芳叢馬蹄篤速

醉太平尋芳的伴侶豈憚箇崎嶇歌隨步逐

謾停車任來來去去俺這裡臨風對景聯詩句

忘憂自適杯中趣醉歸不覺倒騎驢聽歌徹巴

歛

尾聲凭欄只恐春歸去凝望林郊花外車怎

禁一夜多風雨。轉眼韶光事已虛。典衣杜甫興
何如。甚日重逢樂有餘。相聽着然啼燕語。

槐陰消暑

端正好。炎輝動。斗指南。火雲升。驕陽烘。羨槐
庭綠蔭橫窓。捲珠簾。引袖風飄蕩。斜掛起。流蘇
帳。

滾繡毬

聲咽咽。蟬噪枝。語喃喃。燕繞梁。閑塔

下。芭蕉綠。漾瘦嶺上梅子爭黃。榴花繞徑紅。茶

蔗滿盤。芳。香。紅。綠。綠。若。耶。溪。正。道。香
荷香。怪的是。一輪。公。日。臨。軒。起。喜。的。是。半。榻。清
風透枕涼。別是佳風光。

倘秀才

俗。只見鶯穿柳。柳絲搖颺。魚翻藻藻

隨波蕩。那荷花池館。睡鴛鴦。麥隴翻紅浪。新篁
過短墻。這景物堪追賞。

脫布衫

翠雲屏。青瑣南窓。紫藤蓆橫鋪象床。

浴蘭湯。夢回鴛帳。扇輕羅晚風清爽。

醉太平 揮塵卧銀床披襟坐待涼閑尋鷗鳥
泛滄浪任隨時偃仰樓臺倒影浸入在瑤池上
園林紅溜一任那清波漾濯纓濯足任吾狂醉
歸來夜未央
尾聲 一鈎月影隨波滉幾陣微風送晚涼花
露濃薰睡鴨香野蔓綠空穿鴈堂謾展詩書喜
欲狂睡起閒遊風月場倦憩瀟湘醉舞淋浪准
備下桂棹蘭漿再歡賞

蓼峴吟秋

端正好 金莖露玉宇風景凄涼聲蕭索濕津
津薄霧凝塔滴溜溜敗葉飄窓外步爽塏真堪
愛

滾繡毳 疎刺刺風送涼淅零雨滴塔羨江
上黃蘆風灑愛離邊黃菊初開啼螿砌下鳴征
鴻塞外來水輪湧漸離滄海瓊樓高聳出浮埃
霎時間晴嵐一抹連輕靄粧點新秋興滿懷佳

景奇哉

倘秀才 俺只見闌銀床悲秋蟋蟀噪枝頭寒
蟬聲迤庭梧弄影色侵堦光燦爛祥雲翳月窟
朧皓魄篩聽陰壑生虛籟

脫布衫 謾登臨玉梁樓臺賞佳節陶令歸來
怪宋玉傷秋無賴咲潘安愁顏頰改

醉太平 吟蛩聲助哀寒砧動客懷落霞孤鶩
共飛來美水天一色只聽得碧梧雨滴聲淅淅

丹桂風飄香霏霏舉杯坐待月明來任風落帽
歪

尾聲 俺只想懷蕞張翰思歸迫寄傲陶潛把
菊栽遙聽漁歌聲漸乖卧看牽牛駕鵲來自咲
區區樗朽才願跨鶴背上蓬萊誰計當年燕雀
猜祗落得笑傲良辰莫負風月債

雪簷清響

端正好 鵝毛雪舞庭堦羊角風吹簾幕凍雲

垂間巷蕭條。一霎時擁斷藍關道。似片片梨花
落。

滾繡毬。冷清清風景。淒淒水沉沉。烟篆銷亂紛。
紛雪飛。瑞鳥皎。亭亭月。掛梅梢。雲埋寒樹。低霜
壓古城。高那老漁翁。曾向寒江罷釣。採樵父。怎
往危嶺肩挑。遙望那隴頭。綴玉梅開。早堤畔。舍
金柳色。包堪画也。堪描。

倘秀才。又只見。遍長空。雲飛霧繞。滿乾坤。風

啤雨嘯。晚看江上景蕭蕭。咲傲剡溪棹。甘貧守
破窰。浩然驢霸橋。凍倒。

脫布衫。孫康室。冷透鮫綃。顏子扉。凜冽風高。
當鑪的文君凍了。閉門的袁安卧着。

醉太平。梅英帶雪飄。月影散瓊瑤。白茫茫難
辯路。低高聽江聲。靜悄探梅迷却前村道。烹茶
旋把飛瓊掃。吟詩作賦任逍遙。飲香醪。玉膏
尾聲。窓前霧瑣寒梅老。庭外風鳴翠竹敲。細

聽紅粧品玉簫。謾把青鈿易酒肴。覓箇詩豪與
酒豪。一任心交與意交。笑隨護口共囂囂。俺這
裡坐看春風。有日把寒威掃。

風

馬不行 展草鳴條愁聽穿林萬木號。喜爾涼
生翠簾。香透紅樓。怒撼波濤。隔簾時見柳絲搖。
臨軒乍透歌聲到。拂拂飄飄。莫教相妬。把落紅
吹了。

花

馬不行 淺白深紅爛熳芳。菲回檻中。羨爾玳
葩艷。台咲日披雲。浥露迎風。謾看蜂蝶鬧香叢。
潛聽鶯燕。枝頭咲媚景。難逢。莫教青帝成春夢。
雪

馬不行 剪水飛瓊六出漫空萬里瑩。一似蝶
殘粉。翅鶴褪霜毛。絮舞江城。乾坤渾訝玉粧成。
千山疑是銀光暎。梁苑寒生。俄驚三尺深迷樵

徑

月

馬不行 碧海嬋娟萬里光
瑩趙璧圓爭美吳
牛乍喘魏鵲飛驚關塞懼牽一輪輾破碧雲天
千山色映梁珠遠玉笋頻傳莫辜勝賞度樓佳
宴

漁

桂枝香

礧溪波漲桐江月上棹穿波底流光

釣徹人間勾想謾持竿撒網謾持竿撒網隨風
逐浪把利名撇漾聽鳴榔看烟水情懷放扁舟
任渺茫

樵

桂枝香

穿雲披霧迎風宿鷺朝桃帶雨新藥

晚荷落霞歸去謾運斤持斧謾運斤持斧丁丁
何處浩歌聲細羨山居矮屋圍茅住何堪駟馬
車

耕

桂枝香 身親隴右心勤耒耜荷鋤鼓腹田疇
犁罷詠歸聲轉任黃童白叟任黃童白叟羨藜
含機閒消清晝釀新菊醉敲牛角歌秋茂歲稔
欣逢快語稱

牧

桂枝香 橫吹短笛逐風負笠朝來扣角耕犁
晚帶夕陽歸矣向南隣北里向南隣北里笑歌

聲沸醉眠牛背任癡迷謝却蠅頭利相將卧月
歸

詠花酒

一枝花 梅堪爲故知鶴可爲朋契花開紅錦
繡酒泛碧琉璃花酒追隨梅與鶴相遊戲對山
花醉眼迷步徜徉綠水差差樂逍遙青山岫岫
梁州 聽芳林一陣陣鶯啼鳥喚覩亭沼一對
對魚躍鳶飛舊柴門掩映開還閉焚香煮茗炊

藿蒸藜。聯詩繪句。沉釣彈碁。山家指趣。都閑矣。
有。何。天。怨。人。非。俺。有。高。適。賡。歌。風。味。和。靖。觀。梅。
興。趣。陶。潛。愛。菊。忘。機。何。思。何。慮。放。浪。形。骸。一。任。
無。拘。繫。尹。耕。莘。姜。釣。渭。儘。消。受。江。山。春。富。貴。瀟。
灑。誰。及。

餘音 爭几明窓閒消淑氣竹床紙帳倦倚斜
暉榮枯得失吾何計寒盡忘年優游卒歲想樂
志山居惟吾獨得

卷之二十六終